

ÁR SSKÝRSLA 2017

Starfsáætlun 2018

**FRÆÐSLUMIÐSTÖÐ
VESTFJARÐA**



Fræðslumiðstöð Vestfjarða
Miðstöð símenntunar á Vestfjörðum

Fræðslumiðstöð Vestfjarða
Kennitala 511199-2049
Suðurgata 12, 400 Ísafjörður
Heimasíða frmst.is
Netfang frmst@frmst.is
Ársskýrsla 2017 og starfsáætlun 2018

Mái 2018

Efnisyfirlit

Efnisyfirlit.....	3
Fræðslumiðstöð Vestfjarða	4
Stjórn Fræðslumiðstöðvar Vestfjarða árið 2017	5
Fulltrúar Fræðslumiðstöðvar í öðrum stofnunum	5
Starfsfólk Fræðslumiðstöðvar Vestfjarða árið 2017.....	6
Kennarar og leiðbeinendur 2017.....	7
Starfsstöðvar og starfsaðstaða.....	8
Rekstur Fræðslumiðstöðvar Vestfjarða.....	9
Formlegir samstarfsaðilar.....	9
Gæðavottun	10
Námið	10
Fjöldi þátttakenda	11
Fjöldi nemendastunda.....	12
Aldurskipting þátttakenda.....	13
Flokkun þátttakenda eftir kyni	13
Skipting eftir búsetu	14
Vottaðar námsleiðir.....	15
Réttindanáms.....	15
Íslenskunámskeið fyrir útlendinga	16
Almenn námskeið.....	16
Fullorðinsfræðsla fatlaðra	17
Þjónusta við fyrirtæki	17
Náms- og starfsráðgjöf/Hvatningarviðtöl.....	18
Raunfærnimat	18
Þróunarverkefni.....	18
Nýjungar árið 2017	19
Starfsáætlun 2018	19
Starfsmarkmið fyrir árið 2018	19
Fjárhagsáætlun 2018.....	20
Vottaðar námsleiðir.....	21
Náms- og starfsráðgjöf.....	21
Raunfærnimat	21
Íslenska fyrir útlendinga	22
Samstarf við Fjölmennit	22
Lokaorð.....	22

Fræðslumiðstöð Vestfjarða

Hér gefur að líta 18. ársskýrslu Fræðslumiðstöðvar Vestfjarða og er henni ætlað að lýsa starfsemi og verkefnum miðstöðvarinnar árið 2017. Einnig fylgir starfsáætlun fyrir árið 2018.

Fræðslumiðstöð Vestfjarða er sjálfseignarstofnun sem hefur það markmið að efla menntun á Vestfjörðum og þá einkum að standa fyrir fræðslustarfsemi sem ekki heyrir undir námskrárbundið nám á grunn- og framhaldsskólastigi, nema sérstaklega verði um það samið. Í þessu sambandi skulu þarfir atvinnulífs og íbúa sérstaklega hafðar í huga. Lögð skal áhersla á að sem flestir íbúar Vestfjarða hafi aðgang að þjónustu Fræðslumiðstöðvarinnar óháð búsetu. Fræðslumiðstöðin hafi enn fremur forgöngu um fjarkennslu á sem flestum sviðum.

Helstu verkefni sem starfsfólk Fræðslumiðstöðvar Vestfjarða sinnti á árinu 2017 voru:

- Umsjón með námsleiðum Fræðslumiðstöðvar atvinnulífsins
- Skipulagning og hönnun námskeiða
- Umsjón með almennum námskeiðum
- Hvatningarviðtöl/ráðgjöf
- Raunfærnimat
- Markviss þarfagreiningar
- Ráðgjöf til fyrirtækja
- Upplýsingarmiðlun
- Nemendabókhald
- Afgreiðsla og bókhald
- Próftaka háskólanema og annarra á Hólmavík og Patreksfirði
- Sérverkefni

Með samantekt þessari leggur Fræðslumiðstöð Vestfjarða gögn um starfsemi ársins 2017 og drög að starfsemi ársins 2018. Þar sem samantektin er unnin samkvæmt ákvæðum samnings, sem grundvallaður er á lögum um framhaldsfræðslu er megin áhersla í samantektinni á þau áform sem miðstöðin hefur á sviði framhaldsfræðslunnar.

Stjórn Fræðslumiðstöðvar Vestfjarða árið 2017

Stjórn Fræðslumiðstöðvar Vestfjarða er skipuð fimm fulltrúum. Þrjú aðalfulltrúar og þrjú til vara eru kosnir á aðalfundi fulltrúaráðs, einn aðalfulltrúi og einn til vara eru tilnefndir af skólanefnd Menntaskólans á Ísafirði og þá á formaður fulltrúaráðs sjálfkrafa setu í stjórn og er varaformaður fulltrúaráðs varamaður hans. Stjórnin skiptir með sér verkum.

Stjórn Fræðslumiðstöðvar Vestfjarða skipa nú:

- **Sif Huld Albertsdóttir**, formaður, Byggðasamlagi Vestfjarða um málefni fatlaðs fólks
- **Hildur Halldórsdóttir**, Menntaskólanum á Ísafirði
- **Arnheiður Jónsdóttir**
- **Kristján G. Jóhannsson**, Vinnuveitendafélagi Vestfjarða
- **Nancy Bechtloff**, Náttúrustofu Vestfjarða

Varamenn stjórnar:

- **Heiðrún Tryggvadóttir**, Menntaskólanum á Ísafirði
- **Margrét Jómundsdóttir**, Fjórðungssambandi Vestfirðinga
- **Einar Valur Kristjánsson**, Útvegsmannafélagi Vestfjarða
- **Margrét Birgisdóttir**, Atvinnuþróunarfélagi Vestfjarða
- **Ragnheiður Ása Ingvarsdóttir**, Félagi opinberra starfsmanna á Vestfjörðum

Stjórnin hélt 11 bókaða fundi á árinu 2017.

Fulltrúar Fræðslumiðstöðvar í öðrum stofnunum

Fræðslumiðstöð Vestfjarða á aðild að Háskólasetri Vestfjarða og Starfsendurhæfingu Vestfjarða. Eftirtaldir eru fulltrúar miðstöðvarinnar á aðalfundi Háskólaseturs og ársfundi Starfsendurhæfingar:

Háskólasetur Vestfjarða: Aðalmaður Dagný Sveinbjörnsdóttir og varamaður Elfa Hermannsdóttir.

Starfsendurhæfing Vestfjarða: Aðalmaður Elfa Hermannsdóttir og varamaður Sigurborg Þorkelsdóttir.

Starfsfólk Fræðslumiðstöðvar Vestfjarða árið 2017

Í lok árs 2017 voru 9 fastir starfsmenn hjá Fræðslumiðstöð Vestfjarða. Á ársgrundvelli voru stöðugildin 6,5.

Á árinu urðu þær breytingar hjá starfsfólki Fræðslumiðstöðvar Vestfjarða að Smári Haraldsson lét af störfum sem forstöðumaður eftir hartnær 20 ár. Þann 1. mars tók Elfa Svanhildur Hermannsdóttir við stöðunni. Eva Dögg Jóhannesdóttir óskaði eftir að fara úr 100% starfshlutfalli niður í 50% þann 1. september 2017. Um nokkurt skeið hafði ekki verið ráðrúm til að ráða verkefnastjóra á Ströndum sökum bágrar fjárhagsstöðu. Þegar fyrir lá að Ingibjörg Benediktsdóttir fyrrum starfsmaður Fræðslumiðstöðvar vildi hefja aftur störf var ákveðið að fara í tilraunaverkefni þar sem Verkalýðsfélag Vestfirðinga greiddi hluta í stöðugildi starfsmannsins eða 25% af stöðugildinu. Ingibjörg hóf störf í október 2017.

Starfsfólk Fræðslumiðstöðvar Vestfjarða árið 2017 var:

Dagný Sveinbjörnsdóttir verkefnastjóri, 50% starfshlutfall.

Elfa Svanhildur Hermannsdóttir forstöðumaður, 100% starfshlutfall frá 1. mars.

Elzibeta Pawluczuk ræsting, 25% starfshlutfall.

Eva Dögg Jóhannesdóttir verkefnastjóri, 100% starfshlutfall til 1. september, þá í 50% starfshlutfall.

Guðbjörn Páll Sölvason verkefnastjóri 50% starfshlutfall.

Ingibjörg Benediktsdóttir verkefnastjóri á Ströndum og Reykhólum, 85% starfshlutfall frá 1. október.

Sigurborg Þorkeldsdóttir verkefnastjóri, 50% starfshlutfall.

Sólveig Bessa Magnúsdóttir verkefnastjóri, 50% starfshlutfall.

Smári Haraldsson forstöðumaður 100% til 1. mars.

Puríður Sigurðardóttir verkefnastjóri 100% til 1. desember, þá í leyfi.

Kennarar og leiðbeinendur 2017

Stór hluti af starfsemi Fræðslumiðstöðvarinnar byggist á vinnu verktaka sem sjá um kennslu námskeiða og námsleiða. Verktakar sjá líka um að vera matsaðilar í raunfærnimati.

Fræðslumiðstöðin leggur mikla áherslu á að þeir sem kenna séu sérfræðingar á sínu sviði. Til dæmis hefur miðstöðin átt í góðu samstarfi við kennara Fisktækniskólans til þess að kenna á námskeiðum fyrir starfsfólk í fiskvinnslum. Þótt miðstöðin sækir stundum kennara út fyrir svæðið þá er lagt mikið upp úr því að fá til okkar hæfa kennara sem búa á Vestfjörðum. Með því er verið að nýta þá þekkingu sem til er á svæðinu, byggja upp reynslu og skapa atvinnu.

Árið 2017 voru verktakar hjá miðstöðinni hátt í 80 talsins og meiri hluti þeirra búsettur á Vestfjörðum. Nokkrir þeirra voru fengnir til þess að segja aðeins frá því sem þeir gera hjá Fræðslumiðstöðinni til þess að veita innsýn inn í það mikilvæga starf sem þeir sinna fyrir miðstöðina.



Auður Ólafsdóttir, hjúkrunarfræðingur

„Ég hef verið með námskeið í almennri skyndihjálpi, sálrænni skyndihjálpi og haldið samskiptanámskeið. Í skyndihjálparnámskeiðinu er áhersla lögð á kenna fólki hvernig má bregðast við slysum og skyndilegum upptökum. Það er mikilvægt að vera meðvitaður um hvað maður eigi að gera í slíkum aðstæðum og beita ró sinni á meðan, og það er farið í skrefum í gegnum það. Í sálræna hlutanum er farið yfir hvernig ber að umgangast fólk sem lent hefur í áfalli.“



Emil Ingi Emilsson, framhaldsskólakennari

„Námskeiðin sem ég hef kennt eru íslenska sem annað mál og námskeið um fjölmenningu fyrir starfsfólk í fiskvinnslu. Fjölbreytilegar kennsluaðferðir eru mikilvægar. Ég nota margvíslegar námsaðferðir og leiðsagnarnám. Hreyfing, söngur og tónlist, og endurleiðbeina eru mínar aðferðir til að ná fram kennslufræðilegum markmiðum. Grunnþátturinn er að nemendum líði vel. Fræðslumiðstöðin er mikilvæg stofnun sem býður upp á möguleika fyrir fólk að ná sér í réttindi í heimabyggð.“



Finnbogi Sveinbjörnsson, formaður og framkvæmdarstjóri Verkalýðsfélags Vestfirðinga

„Ég byrjaði að leiðbeina við Fræðslumiðstöð Vestfjarða haustið 2011. Námskeiðin sem ég kenni fjalla um réttindi og skyldur á vinnumarkaði og þann gagnkvæma rétt sem vinnuveitandi og starfsmaður hefur. Þau hafa verið í 4 klukkustundir í senn en að mínu mati er það ekki nægur tími þar sem bakgrunnur fólks sem sækja námskeiðin er misjafn. Með mismunandi þjóðernum nemenda og ólíkum tungumálum höfum við þann kost að túlkar aðstoða við að koma fram skoðun þeirra á milli. Ég vil að námskeiðið skilar sér vel til allra og fá fólk til að taka þátt í verkefnum sem blandað er við fyrirlestra, þá þarf að hafa í huga að námsefnið sé einfalt og á aðgengilegu máli.“



Harpa Guðmundsdóttir, iðjuþjálfari og forstöðumaður Vesturafls

„Námskeiðin sem ég hef verið með eru sjálfstyrkingarnámskeið, samskipti og sálrænn stuðningur. Þátttaka nemenda skiptir miklu máli svo ég reyni að hafa námskeiðin og námsefni létt og skemmtileg. Ég vil að öllum líði frjáltslega og að allir geta talað án þess að einhverjum líði eins og það sé verið að lesa yfir sér. Ég ætlaði mér ekki að vera kennari fyrir 15 árum síðan en hér er ég og nýt starfs míns til fulls.“

Kesja Szczukiecka – Pacholek, sjúkrapjálfi

„Ég er með B.A. sem sjúkrapjálfi frá háskóla í Póllandi. Ég fór svo í Háskóla Íslands og útskrifaðist með praktíska diplómu í íslensku sem annað tungumál. Námskeiðin sem ég kenni eru byrjendanámskeið í íslensku fyrir Pólverja og enska fyrir Pólverja. Ég hef m.a. kennt íslensku í Landnemaskólanum. Það námsefni sem ég nota er bókin Íslenska fyrir alla sem og efni sem ég bý til. Ég nota fjölbreyttar aðferðir við að nálgast efnið m.a. verkefnavinna. Ég er dugleg að rifja upp námsefnið og hvet fólki til að eiga í sem mestum samskiptum á íslensku. Pólverjar sem búa á Íslandi vilja gjarnan læra íslensku svo þeir geti orðið sjálfstæðir og þátttakendur í samfélaginu án þess að hafa túlk.“



Salóme Elín Ingólfssdóttir, næringarfræðingur, matvælafræðingur og einkapjálfi

„Á námskeiðum sem matvælafræðingur legg ég áherslu á heilnæmni og hreinlæti en sem næringarfræðingur legg ég áherslu á almenna hollustu og heilbrigði. Námskeiðin hafa verið mislöng frá 2 skiptum upp í 3 mánuði. Ég vinn með samantekt af námsefni sem ég geri sjálf ásamt fyrirlestraformi og verkefnavinnu. Það er alltaf frábært að miðla þekkingu til þeirra sem hafa áhuga.“

Starfsstöðvar og starfsaðstaða

Fræðslumiðstöð Vestfjarða er með starfsstöðvar á þremur stöðum á Vestfjörðum.

Ísafjörður

Miðstöðin leigir rúmlega 300 fermetra húsnæði af Vestra ehf. á 1. hæð að Suðurgötu 12. Aðstaðan samanstendur af tveimur kennslustofum, fjórum skrifstofurýmum og sameiginlegu rými. Húsgögn í kennslustofum eru komin til ára sinna en árið 2017 voru keyptar nýjar borðplötur þar sem hinar voru úr sér gengnar. Tölvur sem ætlaðar eru nemendum er einnig komnar til ára sinna og þarfnast endurnýjunar. Fjarfundabúnaður miðstöðvarinnar er töluvert nýttur til kennslu og er þá yfirleitt kennt á Ísafirði og nemendur staðsettir á Hólmanvík og/eða Patreksfirði. Tekin var á leigu ný ljósritunarvél sem bauð upp á möguleika að ljósrita í lit. Með þessu móti var hægt að bæta útlit blöðungsins sem miðstöðin gefur reglulega út til að kynna starfsemina sína.

Hólmavík

Fræðslumiðstöðin er með aðstöðu á þriðju hæð í Þróunarsetrinu á Hólmavík. Í húsnæðinu er aðstaða til að taka á móti nemendum sem koma í próf en síðustu ár hafa verið tekin 30-40 háskólapróf á Hólmavík. Á fyrstu hæð hússins er salurinn Hnyðja sem Fræðslumiðstöðin getur nýtt sem kennsluáðstöðu. Þar er einnig námsver.

Patreksfjörður

Þekkingarsetrið SKOR veitir Fræðslumiðstöðinni aðstöðu á Patreksfirði. Í SKOR er námskeiðaástaða fyrir litla hópa og einnig fjarfundabúnaður til að geta tekið þátt í fjarkenndum námskeiðum sem og aðstaða til að taka próf hvort sem er háskólapróf eða framhaldsskólapróf.

Rekstur Fræðslumiðstöðvar Vestfjarða

Rekstur Fræðslumiðstöðvar Vestfjarða hefur verið þungur í þónokkur ár. Miðstöðin var rekin með tapi 2015 en náði að vera rekin með hagnaði um 1.348.367 m.kr árið 2016.

Árið 2017 endaði með tapi upp á 3.974.200. m.kr. Ástæður þess eru aukin launakostnaður vegna hækkunar á launum, auknar lífeyrissjóðsskuldbindingar sem og að i að tekið var inn í áunnið orlof sem ekki hafði verið gert í fyrir í rekstrinum.

Auka fjármagn kom frá Mennta- og menningarmálaráðuneytinu seinni hluta ársins til framhaldsfræðslunnar upp á 5.040.000 m.kr.en það fjármagn fór beint í framhaldsfræðslunnar til að halda uppi starfsemi og þjónustu við framhaldsfræðsluna í dreifðum byggðum.

Formlegir samstarfsaðilar

Mennta og menningarmálaráðuneytið

Fræðslumiðstöð Vestfjarða og mennta- og menningarmálaráðuneytið gerðu með sér samning dagsettan 18. desember 2014 og rennur hann út í lok árs. 2018. Í samningnum er kveðið á um þá þjónustu sem Fræðslumiðstöðin á að veita. Þar segir:

Fræðslumiðstöðin mun vinna að markmiðum framhaldsfræðslulaga nr. 27/2010 með því að reka miðstöð framhaldsfræðslu á Vestfjörðum; greina þarfir fyrir fræðslu og bjóða upp á ráðgjöf, raunfærnimat og námskeið fyrir markhópa, þ.á.m. bjóða fólki með erlend móðurmál íslenskukennslu. Þjónusta á sviði framhaldsfræðslu skal veitt og þróuð í samstarfi meðal annars við Fræðslumiðstöð atvinnulífsins, Fræðslusjóð og aðra hlutaðeigandi aðila. Fræðslumiðstöðin mun vera með fjarnáms- og kennsluáðstöðu á Vestfjörðum vegna framhaldsfræðslu og þjónustu við nemendur á framhaldsskólastigi eftir því sem þörf er á og fjárhagur leyfir.

Úthlutun til Fræðslumiðstöðvarinnar á fjárlögum ársins 2017 voru 19,2 milljónir og síðan kom viðbótarframlag upp á tæpar 5 milljónir. Það er ljóst að ef viðbótarfjármagn frá ráðuneytinu hefði ekki komið til þá hefði hallað mjög á reksturinn 2017. Alls var úthlutað viðbótarfjármagni upp á 105 milljónir króna og skiptist það á milli 11 sí- og endurmenntunarstöðvar og hefur skiptingin tekið mið af því hvernig fjármagn úr Fræðslusjóði deilist hlutfallslega á milli þeirra.

Fræðslumiðstöð atvinnulífsins – Fræðslusjóður

Fræðslumiðstöð atvinnulífsins (FA) er einkahlutafélag í eigu Alþýðusambands Íslands, Samtaka atvinnulífsins, BSRB, fjármála- og efnahagsráðuneytis og Sambands íslenskra sveitarfélaga. FA er með þjónustusamning við mennta- og menningarmálaráðuneytið annars vegar og símenntunarmiðstöðvarnar hins vegar. Samningurinn við símenntunarmiðstöðvarnar rann út um áramótin 2015/2016. Verið er að vinna að nýjum þjónustusamningi sem byggir á nýjum skilmálum sem samþykktir eru af mennta- og menningarmálaráðherra en sú vinna hefur dregist þar sem verið er að endurskoða framhaldsfræðslulögin.

Fræðslusjóður ráðstafar þeim framlögum sem Alþingi ákveður í fjárlögum hverju sinni. Úthlutanir Fræðslusjóðs greinast í meginatriðum í þrennt samkvæmt úthlutunarreglum sem ráðherra staðfestir:

- framlög til fræðsluaðila til að mæta kostnaði við kennslu og námskeiðahald
- framlög til að mæta kostnaði við raunfærnimat og náms- og starfsráðgjöf
- styrkveitingar til nýsköpunar- og þróunarverkefna í framhaldsfræðslu.

Fræðslumiðstöðin sækir á hverju ári um úthlutun úr sjóðnum. Fyrir árið 2017 fékkst fjármagn upp 3,99 milljónir fyrir raunfærnimati, 19,4 milljónir til kennslu vottaðra námsleiða og 5,46 milljónir til náms- og starfsráðgjafar.

Háskólasetur Vestfjarða

Fræðslumiðstöð Vestfjarða og Háskólasetur Vestfjarða eru með samning sín á milli um að á Hólmavík og Patreksfirði sjái miðstöðin um framkvæmd prófatöku fyrir háskólana í landinu.

Fjölmennt

Fræðslumiðstöðin er með þjónustusamning við Fjölmennt – símenntunar og þekkingarmiðstöð um sí- og endurmenntun fyrir fólk með fötlun, 20 ára og eldra og hefur sá samningur verið endurnýjaður árlega. Í samningnum er tekið fram að miðstöðin eigi að bjóða upp á fjölbreytt námstækifæri fyrir fólk með fötlun á Vestfjörðum.


Gæðavottun

Fræðslumiðstöðin hefur verið með EQM gæðavottunina (European Quality Mark) frá árinu 2013. EQM er er gagnsætt matsferli fyrir fræðsluaðila til að meta starfshætti sína út frá viðurkenndum gæðaviðmiðum. EQM tekur mið af gæðum þjónustunnar sem fræðsluaðili veitir, innri gæðastjórnun og verklagsreglum fræðsluaðila og hvernig núverandi starfshættir samræmast viðurkenndum gæðaviðmiðum. Fræðslumiðstöð atvinnulífsins er með samning um EQM-úttektir og fer slík úttekt fram á þriggja ára fresti. Fyrirhugað er að Fræðslumiðstöðin fari í úttekt á árinu 2018.

Námið


Fræðslumiðstöð Vestfjarða stóð fyrir 142 námskeiðum árið 2017. Til samanburðar voru námskeiðin 103 árið 2016. Fjölgunin á milli ára er aðallega í almennum námskeiðum sem voru 73 í stað 49 árið áður, íslenskunámskeiðum sem voru 27 í stað 19 og réttindanámi sem nú taldi 15

námskeið samanborið við 10 árið 2016. Fjöldi námskeiða sem tilheyra vottuðum námsleiðum og námi fyrir fólk með fötlun breyttist lítið á milli ára.



Fjöldi þátttakenda


Samanlagður fjöldi þátttakenda í öllu námi hjá Fræðslumiðstöð Vestfjarða árið 2017 var 1.772. Þetta er aukning um rúmlega 750 þátttakendur frá árinu á undan. Skipt eftir svæðum þá voru þátttakendur á norðanverðum Vestfjörðum 1.141, í Vesturbyggð og Tálknafirði 421, á Ströndum og Reykhólum 151 og 59 með skráð heimilisfang utan Vestfjarða.



Fjölgun þátttakenda helst að nokkru leyti í hendur við fjölgun námskeiða en er þó umfram það. Síðustu ár hefur meðalfjöldi þátttakenda á námskeiðum Fræðslumiðstöðvarinnar verið um 10 en árið 2017 voru um það bil 12,5 þátttakendur að meðaltali á hverju námskeiði. Þarna hefur mikið að segja fjölmenn námskeið fyrir fiskvinnslu- og fiskeldisfyrirtæki sem haldin voru á árinu. Langflestir þátttakendur eru að sækja almenn námskeið hjá miðstöðinni eða hátt í tveir þriðju hlutar nemenda.


Fjöldi nemendastunda

Nemendastundir eru mælikvarði á umfang fræðslustarfs en þar er búið að margfalda fjölda nemenda á hverju námskeiði með fjölda kenndra kennslustunda á sama námskeiði. Starfsmarkmið fyrir árið 2017 voru 28.500 en í raun fór fjöldi nemendastunda langt fram úr þeirri tölu og endaði í 37.338. Til samanburðar voru nemendastundirnar árið áður 28.643.



Það eru ýmsar skýringar á þessari miklu fjölgun. Í verkfall sjómanna í byrjun árs gafst fiskvinnslufyrirtækjum kostur á að senda starfsfólk sitt á námskeið og skilaði það Fræðslumiðstöðinni góðum fjölda nemendastunda. Á árinu voru í fyrsta skipti kennd endurmenntunarnámskeið fyrir atvinnubílstjóra sem urðu hátt á annan tug þegar upp var staðið. Þá hefur verið lagt mikið upp úr að vinna nánar með fyrirtækjum á svæðinu og hefur það skilað sér í nemendastundum.

Þótt mikill meirihluti þátttakenda í námi hjá Fræðslumiðstöðinni sé að sækja almenn námskeið þá eru flestar nemendastundirnar í vottuðum námsleiðum enda eru þær að öllu jöfnu nokkuð lengra nám en almennu námskeiðin.




Aldurskipting þátttakenda

Þátttakendur dreifast nokkuð jafn á hvert 10 ára aldursbil frá 25 ára og til 64 ára, um það bil 20% og ekkert eitt aldursbil sem sker sig út. Þetta er ekki mjög frábrugðið fyrri árum en þó má vekja athygli á því að aldurshópurinn 25-34 er hlutfallslega stærstur, nokkuð sem ekki hefur gerst lengi. Ástæðan fyrir því að þessi hópur kemur sterkur inn tengist aðallega auknu samstarfi við fiskvinnslu- og fiskeldisfyrirtæki en góður hluti starfsfólks í slíkum fyrirtækjum sem sækir námskeið er yngra fólk. Einnig er þessi aldurshópur nokkuð stór þegar kemur að íslenskunámi.


Flokkun þátttakenda eftir kyni

Frá fyrstu tíð hefur verið töluverður kynjahalli þegar þátttaka eftir kyni er skoðuð, körlum í óhag. Karla réttu hlut sinn hins vegar töluvert árið 2017 þar sem þeir voru 44% þátttakenda samanborið við 33% árið áður. Það eru aðallega tveir þættir sem valda því að þetta ár sker sig úr, annars vegar endurmenntunarnámskeiðin fyrir atvinnubílstjóra þar sem þátttakendur voru nánast alfarið karlar og hins vegar nokkur fjölmenn námskeið sem haldin voru fyrir fiskeldisfyrirtæki þar sem hlutfall karla var töluvert hátt.



Skipting eftir búsetu

Eðli málsins samkvæmt hefur umfang námskeiðahalds og þátttaka á námskeiðum verið langmest á norðanverðum Vestfjörðum þar sem mannfjöldinn er mestur. Árið 2017 er þar engin undantekning. Hins vegar var hlutfall þátttakenda á sunnanverðum Vestfjörðum töluvert hærra en undanfarin ár, hátt í fjórðungur.




Vottaðar námsleiðir

Á árinu 2017 var meirihluti vottaðra námsleiða kenndur í samstarfi við ákveðin fyrirtæki en minna var um að námsleiðir væru auglýstar og treyst á „lausatrafíkk“. Fiskvinnslufyrirtæki á svæðinu nýttu verkfall sjómanna vel til þess að senda fólk á Grunnnámskeið fyrir fiskvinnslufólk og Landnemaskólarnir tveir voru einnig fyrir fiskvinnslufyrirtæki.

Námsleið	Hópar
Fagnámskeið fyrir starfsfólk heilbrigðis- og félagsþjónustu	1
Grunnnámskeið fyrir fiskvinnslufólk	7
Landnemaskólinn	2
Leikskóla- og stuðningsfulltrúanám	1
Meðferð matvæla	1
Skrifstofunám	1
Sterkari starfsmaður	1
Stökkpallur	2

Samanlagður fjöldi þátttakenda í vottuðum námsleiðum voru 191 og nemendastundirnar 14.623. Þetta er nokkur fjölgun í nemendastundum frá síðustu tveimur árum sem kann að skýrast af því að nokkuð var um lengri námsleiðir.



Réttindanám


Fræðslumiðstöðin á í samstarfi við nokkra aðila varðandi réttindanám og fer það eftir eftirspurn hverju sinni hvað er í gangi. Í mörg ár hefur verið samvinna við Guðmund Einarsson um kennslu í vélgæslu, við Menntaskólann á Ísafirði um viðbótarnám í vélgæslu, við Skipstjórnarskóla Tækniskólans um smáskipanám og við Menntaskólann í Kópavogi um svæðisleiðsögunám. Nú vildi

svo til árið 2017 að allt þetta nám var í boðið hjá Fræðslumiðstöðinni. Alls voru þátttakendur í réttindanámi 199 og nemendastundirnar 6.472.

Íslenskunámskeið fyrir útlendinga

Kennd voru 27 námskeið í íslensku fyrir útlendinga árið 2017. Þetta voru fleiri námskeið en ráð var fyrir gert í ætlun og fékk Fræðslumiðstöðin auka úthlutun upp á 4 viðbótarnámskeið.

Samtals voru 207 þátttakendur á námskeiðunum og nemendastundirnar voru 6.144. Aukningu á milli ára má meðal annars rekja til þess að í verfalli sjómanna í byrjun árs 2017 var tíminn notaður til þess að halda íslenskunámskeið fyrir fiskvinnslufólk.




Markmið Fræðslumiðstöðvarinnar er að bjóða upp á íslenskunámskeið á öllum starfssvæðum en nokkuð langt er síðan slíkt námskeið hefur verið á Ströndum. Árið 2017 gerðist það hins vegar að haldin voru íslenskunámskeið bæði á Hólmavík og Drangnesi.

Íslenskunámskeiðunum er skipt í stig eftir getu og í ár var í fyrsta skipti boðið upp á námskeið á stigi 5 og var það á Patreksfirði. Önnur nýjung var að boðið var upp á morgunnámskeið á Ísafirði á haustönninni, eitt í mánuði.

Almenn námskeið

Eins og fram hefur komið er stærstur hluti þátttakenda í námi hjá Fræðslumiðstöðinni að sækja það sem kallað er almenn námskeið. Í þessum flokki eru bæði tómstundanámskeið og námskeið sem líta má á sem endurmenntun og starfsþróun. Samanlagður fjöldi þátttakenda árið 2017 var 1.111 og nemendastundirnar 9.410.



Í samanburði við fyrri ár þá fjölgaði námskeiðum mest í þessum flokki. Það varð einnig ákveðin áherslubreyting á þann hátt að framboð á tólmstundanámskeiðum hefur minnkað en framboð á starfstengdum námskeiðum hefur stóraukist. Þessa breytingu má meðal annars rekja til samstarfs við fyrirtæki á svæðinu um gerð fræðsluáætlaða en svipað hefur einnig verið að gerast í öðrum símenntunarmiðstöðvum þar sem stöðugt meiri áhersla er á að þjóna atvinnulífnum.

Fullorðinsfræðsla fatlaðra

Á námskeiðum fyrir fólk með fötlun urðu nemendastundirnar á árinu 689 og þátttakendurnir 64 sem er nokkur fækkun frá síðasta ári. Ákveðin áherslubreytingar varð í framboði með því að bjóða sérstaklega upp á námskeið fyrir yngsta aldurshópinn. Í ár voru þrjú ný námskeið sem beint var að þessum markhópi, myndlist, leir og skúlptúr og jóga.

Þjónusta við fyrirtæki

Á árinu 2017 hefur Fræðslumiðstöðin lagt mikla áherslu á að efla tengsl við fyrirtækin á svæðinu bæði með því að bjóða upp á starfstengd námskeið og aðra þjónustu eins og Fræðslustjóra að láni.

Fræðslustjóri að láni

Verkefnið Fræðslustjóri að láni byggist á að lána mannauðsráðgjafa til fyrirtækja, sérhæfðum í vinnustaðafræðslu og óformlegri menntun. Ráðgjafinn fer yfir fræðslu- og þjálfunarmál fyrirtækisins, dregur fram það sem vel er gert, gerir eða dýpkar greiningu á þörfum fyrirtækisins og samhæfir við önnur námskeið eða viðurkenndar fræðsluleiðir innan óformlega fræðslukerfisins. Afurð verkefnisins er sérsniðin fræðsluáætlun þar sem búið er að leggja línurnar í fræðslumálum marga mánuði fram í tímann. Alls voru framkvæmd þrjú fræðslustjóra verkefni á árinu 2017 í samvinnu við fyrirtæki á Vestfjörðum.

Fræðsla í fyrirtækjum

Fræðslumiðstöðin hefur verið að sækja í sig veðrið varðandi starfsþróunarnámskeið. Starfsþróunarnámskeið eru styrkt af sjóðum verkalýðssamtaka og geta fyrirtæki fengið u.þ.b. 75% af kostnaði endurgreitt vegna slíkra námskeiða. Slík námskeið eru oft sérsniðin að þörfum fyrirtækisins og getur fræðslan verið hvort sem er á vinnustaðnum eða í húsakynnum

Fræðslumiðstöðvarinnar. Mörg af þeim starfsþróunarnámskeiðum sem Fræðslumiðstöðin heldur koma í framhaldi af fræðslustjóra verkefnum inn í fyrirtækjum.

Þjónusta við Vinnumálastofnun Vestfjarða

Fræðslumiðstöðin vinnur með Vinnumálastofnuninni á Vestfjörðum og er samstarfið í tengslum við ráðgjöf, úrræði og annað sem stofnunin er að leita eftir hverju sinni.

Náms- og starfsráðgjöf/Hvatningarviðtöl

Fræðslumiðstöð Vestfjarða er ekki með náms- og starfsráðgjafa en hjá miðstöðinni er starfandi ACC markþjálfari sem er að ljúka framhaldsnámi í þeim fræðum. Hefur hann sé um að sinna hvatningar- og þróunarsamtölum til ráðþega. Á árinu 2017 var byrjað að bjóða upp á hvatningarviðtöl á pólsku og var mikil ánægja var með það hjá fyrirtækjum. Alls voru tekin um 400 hvatningarviðtöl á árinu.

Í þeim tilfellum þar sem leiðsagnar náms- og starfsráðgjafa er þörf þá getur Fræðslumiðstöðin leitað til slíkra ráðgjafa hjá Menntaskólanum á Ísafirði og Háskólasetri Vestfjarða.

Raunfærnimat

Framlag Fræðslusjóðs til raunfærnimats á árinu 2017 var 3.998.500 kr. Úthlutað var 3.705.000 kr. í fiskvinnslu og fiskeldi og 293.500 kr. til iðngreina í samstarfi við IÐUNA. Alls fóru 10 manns í gegnum raunfærnimat í fiskvinnslu og fiskeldi og 3 einstaklingar tóku raunfærnimat til iðngreina.

Þróunarverkefni

Á haustmánuðum 2017 var Fræðslumiðstöð Vestfjarða beðin að kanna stöðu, markmið og tengsl Lýðháskóla við framhaldsfræðsluferfið. Fékk miðstöðin styrk fyrir verkinu upp á 5 milljónir króna. Samið var við stjórn Lýðháskólans á Flateyri um að vinna verkið í samstarfi við Fræðslumiðstöðina. Áætlað er að verkinu ljúki fyrir júní 2018.

Þann 1. desember 2017 fékk Fræðslumiðstöðin úthlutuðum styrk úr sjóði Erasmus+ samstarfsverkefna. Verkefnið heitir LICTED in rural communities sem útleiggst á íslensku sem Læsi og tæknilæsi í fullorðinsfræðslu í dreifðum byggðum. Tilgangur verkefnisins er að skoða hvernig kennarar geti aðstoðað nemendur sem eru með litla færni í læsi eða upplýsingalæsi. Ætlunin er að útbúa efni fyrir kennara í fullorðinsfræðslu sem þeir geta nota með nemendum sínum til að styðja þá þannig þeir haldi áfram í náminu.

Verkefnið er til 18 mánaða og er Fræðslumiðstöðin í forsvari fyrir það. Alls eru settar í það 94.253 evrur eða rúmar 11 milljónir króna sem skiptast á milli þeirra fjögurra fræðsluaðila sem taka þátt. Fræðslumiðstöðin hélt einn fund á Íslandi 2018 og fyrirhugaðir eru fjórir aðrir fundir víðs vegar í Evrópu.

Nýjungar árið 2017

Eitt af því sem Fræðslumiðstöðin hefur lengi staðið frammi fyrir er að finna árangurríka leið til þess að þjóna fyrirtækjum þar sem starfsmenn hafa annað móðurmál en íslensku. Það getur reynst flókið þegar þarf að túlka sama námskeiðið yfir á nokkru tungumál. Til þess að bregðast við þessu voru keypt 25 móttöku tæki og 3 sendar þannig að hægt væri að túlka samtímis frá íslensku yfir á þrjú önnur tungumál. Þessi nýjung hefur komið sér vel og flýttir fyrir og eykur flæði á námskeiðum sem annars þyrfti að keyra nokkrum sinnum á mismunandi tungumálum.

Þar sem lítil sem engin starfsemi er í öðru en skrifstofurýmum Fræðslumiðstöðvarinnar yfir sumartímamann var gerð tilraun 2017 með að þjóða húsnæði í framleigu. Í framhaldi af því var sett upp sýning á vegum Safnahússins Ísafirði á heimsókn Grænlandinga til Ísafjarðar árið 1925. Safnahúsið og Fræðslumiðstöðin höfðu með sér samstarf um yfirsetu á sýningunni. Alls voru skráðir 420 gestir af 27 þjóðernum, en gera má ráð fyrir að gestirnir hafi verið fleiri þar sem ekki gafst alltaf tækifæri á að færa heimsóknir til bókar.

Starfsáætlun 2018

Starfsmarkmið fyrir árið 2018

Á árinu 2018 setur Fræðslumiðstöð Vestfjarða sér að ná eftirtöldum markmiðum í starfsemi sinni.

- Heildartekjur verði umfram heildargjöld.
- Fjöldi nemendastunda í vottuðum námsleiðum, íslensku fyrir útlendinga og námi fyrir fatlaða verði ≥ 18.000 .
 - Þar af verði fjöldi nemendastunda á norðursvæði Vestfjarða ≥ 11.000 .
 - Þar af verði fjöldi nemendastunda á suðursvæði Vestfjarða ≥ 1.500 .
 - Þar af verði fjöldi nemendastunda á Reykhólum og Ströndum ≥ 500 .
 - Þar af verði fjöldi nemendastunda í fjarkennslu eða dreifnámi ≥ 5.000 .
- Fjöldi nemendastunda í öðru námi verði ≥ 10.500
 - Þar af verði fjöldi nemendastunda á norðursvæði Vestfjarða ≥ 7.000 .
 - Þar af verði fjöldi nemendastunda á suðursvæði Vestfjarða ≥ 2.000 .
 - Þar af verði fjöldi nemendastunda á Reykhólum og Ströndum ≥ 500 .
 - Þar af verði fjöldi nemendastunda í fjarkennslu eða dreifnámi ≥ 1.000 .
- Fjöldi viðtala hjá náms- og starfsráðgjafa verði ≥ 400 .
- Fjöldi þátttakenda í raunfærnimati í fisktækni verði ≥ 15
- Fjöldi þátttakenda í raunfærnimati í samstarfi við lðuna ≥ 4 .
- Fjöldi þátttakenda í raunfærnimati í almennri starfshæfni ≥ 10 .
- Fjöldi þátttakenda í raunfærnimati í félagsliðabru verði ≥ 10 .
- Þátttakendur í raunfærnimati verði frá öllum svæðum Vestfjarða.
- Fjöldi útseldra klukkustunda í fræðslugreiningum (MARKVISS) verði ≥ 400 .
- Fræðslumiðstöðin hefji kennslu í fiskeldiskjarna á framhaldsfræðslustigi haustið 2018.
- Fræðslumiðstöð Vestfjarða er leiðandi aðili í Evrópuverkefni 2018-19
- Tryggja frekara samstarf við sjóðina Ríkismennt og Sveitamennt.
- Ná samningum við fleiri starfsmenntasjóði.

Fjárhagsáætlun 2018

Fjárhagsáætlun byggir á þeim starfsmarkmiðum sem Fræðslumiðstöð Vestfjarða hefur sett sér á árinu 2018 og þeim forsendum sem fyrir þeim liggja.

Fyrsta janúar 2018 voru fastir starfsmenn 9 í um það bil 6,5 stöðugildum. Þetta breyttist þó í kringum 1. mars þar sem búið var að greiða upp vangoldin laun sem og að starfsmenn fóru af launaskrá sökum breytinga. Þá voru starfandi 8 starfsmenn í 4,85 stöðugildum. Reiknað er með að á árinu bætist við 1 stöðugildi. Miðstöðin mun áfram reka mannaðar starfsstöðvar á þremur stöðum á Vestfjörðum.

Heildartekjur Fræðslumiðstöðvar Vestfjarða árið 2018 eru áætlaðar um 107,1 milljónir króna og heildargjöld um 106,2 milljónir króna. Líkt og undanfarin ár er framhaldsfræðsla og annar rekstur aðskilinn í fjárhagsáætlun.

Nánari sundurliðun er í meðfylgjandi töflum. Þar sem hvorki er gert ráð fyrir tækjakaupum eða fjárfestingum á árinu 2018 og þar sem miðstöðin skuldar ekkert, sýnir taflan jafnframt áætlaðar breytingar á efnahag miðstöðvarinnar árið 2018.

Áætlaðar tekjur árið 2018.

Framhaldsfræðsla		Annar rekstur	
Tekjur	Krónur	tekjur alls -annar rekstur	Krónur
Framlag af fjárlögum	19.200.000	Námskeiðsgjöld af alm.námsk.	13.000.000
Auka framlag af fjárlögum	4.900.000	Námskeiðsgjöld af réttinda námi	2.700.000
Samningur um kennslu vottaðra námsleiða	18.190.000	Verkefni um lýðháskóla	5.000.000
Samningur um náms- og starfsráðgjöf	5.922.000	Kennsla fyrir grunnskóla	600.000
Raunfærnimat	5.089.750	Marviss ráðgjöf	6.000.000
Styrkur ráðuneytis til íslenskukennslu	3.800.000	Styrkir til þróunarstarfa	3.000.000
Greiðsla þátttakenda til íslenskukennslu	5.720.000	Þjónusta við fjarnema	1.500.000
Greiðsla þátttakenda í vottuðum námsleiðum	3.500.000	Útleiga á húsnæði og búnaði	1.000.000
Aðrar tekjur	2.800.000	Aðrar tekjur	2.150.000
Kennsla fatlaðra	3.100.000		
Tekjur alls -frh.fræðsla	72.221.750	Tekjur alls -annar rekstur	34.950.000
			107.171.750

Áætluð gjöld árið 2018.

Framhaldsfræðsla		Annar rekstur	
Gjöld		Gjöld	
Laun fastra starfsmanna	48.000.000	Laun fastra starfsmanna	10.000.000
Laun verkefnaráðinna starfsmanna	15.000.000	Laun verkefna ráðinna kennara	9.000.000
Fjarfundarbúnaður	1.800.000	Ferðalög starfsm. Og kennara	900.000
Rekstur stafsstöðva	5.000.000	Auglýsingar	250.000
Ferðalög starfsm. Og kennara	800.000	Yfirstjórn og annar kostnaður	1.200.000
Auglýsingar	250.000	Verkefni um lýðháskóla	4.000.000
Yfirstjórn og annar kostn.	5.000.000	Þróunarstörf	2.500.000
Ráðgjöf og raunfærnimat	2.500.000		
Gjöld alls	78.350.000		27.850.000
Tekjur umfram gjöld	-6.128.250		7.100.000
			106.200.000

Vottaðar námsleiðir

Framlög Fræðslusjóðs til kennslu vottaðra námsleiða árið 2018 er 18.190.000 kr. Áætlað er að kenna sex námsleiðir í níu hópum; samtals 729 klukkustundir (ath. hér er talað um klukkustundir en alls staðar annars staðar í skýrslunni eru notaðar kennslustundir. Ástæðan er sú að Fræðslumiðstöð atvinnulífsins er að færa sig yfir í að nota klukkustundir). Reiknað er með að meðaltali rúmlega 10 þátttakendum í hverjum hópi. Áætlað er að hluti námsleiðanna verði túlkaður yfir á önnur tungumál, svo sem grunnnámskeið fyrir fiskvinnslufólk.

Vottaðar námsleiðir sem áætlað er að kenna árið 2018.

Námsleið	Hópar	Staður	Klst í heild	Kennt	VÖ18	HÖ18	Alls klst
Grunnnám fyrir fiskvinnslufólk	1	Ísafjörður	48	Öll	48		48
Grunnnám fyrir fiskvinnslufólk	1	Ísafjörður	48	Öll	48		48
Grunnnám fyrir fiskvinnslufólk	1	Patreksfjörður	48	Öll	48		48
Grunnnám fyrir fiskvinnslufólk	1	Ísafjörður	48	Öll		48	48
Landnemaskólinn	1	Ísafjörður	80	Öll	80		80
Aftur í nám	1	Vestfirðir	237	Öll	237		237
Grunnám f. heilbrigðisstarfsfólk 2	1	Patreksfjörður	40	Öll		40	40
Stökkpallur	1	Ísafjörður	180	100		100	100
Skrifstofunám	1	Ísafj./fjarkennt	240	80		80	80
Alls kennsla	9		969		461	268	729

Náms- og starfsráðgjöf

Framlag Fræðslusjóðs til náms- og starfsráðgjafar á árinu 2018 er 5.290.000 kr. auk 63.000 kr. í akstur og ferðalög. Áætlað er að þetta dugi fyrir u.þ.b. 400 viðtölum.

Raunfærnimat

Framlag Fræðslusjóðs til raunfærnimats á árinu 2018 er samtals 5.089.750 kr. og skiptist þannig á greinar:

- Félagsliðabréð kr. 1.786.000 kr.
- Fiskvinnsla og fiskeldi 1.382.500 kr.
- Iðngreinar í samstarf við IÐUNA 361.250 kr.
- Almenn starfshæfni 1.560.000 kr.

Af árinu 2017 voru færðar 1.404.400 kr. til raunfærnimats, þannig að samtals til raunfærnimats á árinu 2018 eru 6.494.150 kr.

Áætlaður fjöldi þátttakenda í raunfærnimati í eru a.m.k. 27 og áætlaður staðinn einingafjöldi í raunfærnimati a.m.k. 1080 einingar.

Íslenska fyrir útlendinga

Fræðslumiðstöð Vestfjarða gerir ráð fyrir að kenna 24 námskeið í íslensku fyrir útlendinga á árinu 2018. Hvert námskeið er 30 kennslustundir og er gert ráð fyrir a.m.k. 8 þátttakendum á hverju námskeiði.

Ísafjarðarbær og Bolungarvíkurkaupstaður gerðu samning um að taka á móti flóttafólki og kom fólkið til landsins í tveimur hópum í byrjun mars. Leitað var til Fræðslumiðstöðvarinnar að sinna íslenskukennslu fyrir fullorðna fólkið í hópnum. Áætlað er að Fræðslumiðstöðin verði þátttakandi í verkefninu næstu tvö árin og sinni á meðan íslensku- og samfélagskennslu.

Samstarf við Fjölmennt

Á árinu 2018 er áætlað að kenna fólki með fötlun 120 stundir og að fjöldi þátttakenda verði 60. Að auki er fyrirhugað að nota hluta af framlagi Fjölmenntar til að greiða fyrir nám með stuðningi.

Lokaorð

Fræðslumiðstöð Vestfjarða stendur fyrir margvíslegri starfsemi. Miðstöðin leitast við að sinna samfélaginu í heild, leggur áherslu á að eitthvað sé í boði fyrir sem flesta og sem flestir Vestfirðingar geti nýtt sér þjónustuna. Mikil vinna er á starfsfólki Fræðslumiðstöðvar Vestfjarða og vil ég nota tækifærið hér til að þakka þeim fyrir frábærlega vel unnin störf á árinu 2017 og góðar móttökur sem starfsfólk sýndi nýjum forstöðumanni.

Það eru nokkur atriði sem ástæða til að draga fram hér í lokin. Ljóst er að ef að ríkið fer ekki að gera ráð fyrir þeim aðstæðum á sem eru á Vestfjörðum, þ.e. taka tillit til dreifðra byggða, þá þarf Fræðslumiðstöðin að draga úr þjónustu við þær og mismuna einstaklingum sem þar búa. Þá gerist það að smærri byggðir munu ekki njóta sama aðgangs að framhaldsfræðslunni líkt og þeir sem búa í stærra þéttbýli.

Það er ekki eftirsóknarvert rekstrarumhverfi að þurfa að treysta á árlegar úthlutanir úr sjóðum og vita ekki frá ári til árs hversu miklu fjármagni er úr að spila. Það skapar óöryggi og kemur í veg fyrir að hægt sé að gera raunhæfar áætlanir meira en nokkra mánuði fram í tímann. Það kemur fram í þessari skýrslu eins og mörgum öðrum á undan að rekstur miðstöðvarinnar er erfiður og ekkert má út af bera. Ekki hefur verið hægt að endurnýja búnað eins og tölur og húsgögn eða annað slíkt og miðstöðin er líka í erfiðri aðstöðu til þess að bregðast við óvæntum uppákomum eins og langtíma veikindum starfsmanna.

En á jákvæðari nótum þá varð mikil aukning á námskeiðum árið 2017 og verkefni fram undan margvísleg. Í lok árs fengust viljrði fyrir því að starfsmenn ríkis og sveitarfélaga sem eiga aðild að þeim starfsþróunarsjóðum ríkisstarfsmanna og bæjarstarfsmanna sem heyra undir ASÍ myndu geta sótt starfsþróunarnámskeið hjá Fræðslumiðstöðinni sér að kostnaðarlausu en miðstöðin myndi rukka þátttökugjöld til sjóðanna sjálfra. Með þessum samningum telur Fræðslumiðstöðin sig þjónusta Vestfirðinga enn betur en áður þegar fólk þurfti sjálft að leggja út fyrir námskeiðum og fá svo endurgreiðslu úr sínum starfsþróunarsjóði. Það er sannarlega von okkar að þetta verði til þess að starfsfólk sem á aðild að þessum sjóðum nýti sér í auknum mæli að sækja námskeið sem getur eflt það og þróað í starfi.

Að endingu má benda á að Fræðslumiðstöð Vestfjarða hefur víðara hlutverki að gegna en að uppfylla þjónustusamning sinn við ríkið um framhaldsfræðslu. Fræðslumiðstöðin vill geta veitt Vestfirðingum tækifæri til að sækja sem fjölbreyttust námskeið í heimabyggð, hvort sem er starfþróun, sí- og endurmenntun eða námskeið sem efla einstaklinginn á annan hátt. Þetta atriði er ekki síður mikilvægt þegar horft er til menntunartækifæra á Vestfjörðum og í raun þegar horft er til búsetuskilyrða og eflingu atvinnu- og mannlífs á svæðinu.

f.h. Fræðslumiðstöðvar Vestfjarða,

Elfa Svanhildur Hermannsdóttir, forstöðumaður.